



Arkivnr: 2016/3130-3

Saksbehandlar: Britt Karen Spjeld

Saksframlegg

Saksgang

Utval	Saknr.	Møtedato
Utval for opplæring og helse		02.06.2016
Utval for kultur, idrett og regional utvikling		08.06.2016
Fylkesutvalet		23.06.2016

Lokal mobilisering mot doping - ny avtale med Antidoping Norge og prosjektplan 2016/18

Samandrag

Antidopingsprosjektet «Lokal mobilisering mot doping» er forankra i Regional kulturplan (2015-25). Nasjonalt er det forankra i Meld. St. nr 30 (2011-2012) «Se meg! En helhetlig rusmiddelpolitikk» og i Meld. St. 19 (2014-2015) «Folkehelsemeldingen - Mestring og muligheter».

Prosjektet «Lokal mobilisering mot doping» skal vere eit tilbod som hovudsakeleg rettar seg mot elevar og lærlingar i vidaregåande opplæring, og lærarar og andre tilsette i den vidaregåande skulen. Hovudmålet er å gje unge menneske tilstrekkeleg kunnskap og informasjon til å avstå frå dopingbruk og bygge opp under ein tydeleg nulltoleranse til dopingbruk i sine lokalmiljø innan idretten og i samfunnet elles. I tillegg er målet å auke kunnskapen knytt til dopingproblematikk hjå relevante yrkesgrupper. Det er lagt opp til evaluering av prosjektet. Tiltaka vil bli sett i samheng med arbeidet den organiserte idretten gjer. Prosjektet er ei vidareføring av eit 2,5-åring samarbeid som vart avslutta i desember 2015. Erfaringar frå det samarbeidet er teke med i den nye avtalen og prosjektplanen.

Hordaland fylkeskommune er ein av fire fylkeskommunar som deltek i prosjektet. Helsedirektoratet har løyvd midlar til Stiftinga Antidoping Norge til dette arbeidet. Det er krav om 50% eigenfinansiering. Fylkestinget i desember 2015 løyvde kr 200.000 til «40 prosent stilling til dopingforebyggende tiltak». Ein prosjektkoordinator vert tilsett i Antidoping Norge vil arbeide med informasjons- og forebyggende arbeid i Hordaland ut frå avtale og prosjektplan. Det vert etablert ei styringsgruppe med representantar frå Hordaland fylkeskommune, Hordaland Idrettskrets og Stiftinga Antidoping Norge. Avtalen varar frå 1. august 2016 til 31. juli 2018, og skal omfatte skuleåra 2016-2017 og 2017-2018. Prosjektplanen avdekkar behov for ei løyving på kr 200.000 for skuleåret 2017/18.

Forslag til innstilling

1. Fylkesutvalet i Hordaland vedtek framlegget til avtale mellom Stiftelsen Antidoping Norge og Hordaland fylkeskommune i samband med gjennomføring av prosjektet «Lokal mobilisering mot doping» i Hordaland.
2. Fylkesutvalet i Hordaland vedtek framlegget til prosjektplan for prosjektet «Lokal mobilisering mot doping» i Hordaland.
3. Fylkesutvalet gir fylkesrådmannen fullmakt til å delta i styringsgruppa for arbeidet.

4. Fylkesutvalet løyver kr 200.000 til Stiftelsen Antidoping Norge til dette arbeidet for skuleåret 2016/2017. Løyvinga skal førast over budsjettpost 400.410.00.

Rune Haugsdal
fylkesrådmann

Per Morten Ekerhovd
fylkesdirektør kultur og idrett

Saksframlegget er godkjent elektronisk og har derfor inga underskrift.

Vedlegg:

1. Framlegg til avtale mellom Stiftelsen Antidoping Norge og Hordaland fylkeskommune i samband med gjennomføring av prosjektet «Lokal mobilisering mot doping» i Hordaland.
2. Framlegg til prosjektplan for prosjektet «Lokal mobilisering mot doping» i Hordaland.

Fylkesrådmannen, 18.05.2016

Bakgrunn

Antidoping Norge skriv m.a. i prosjektplanen; *Flere faktorer peker i retning av at dopingbruk er et voksende helseproblem blant ungdom. I løpet av ungdomstiden endres treningsvaner og begrunnelse for å trene. Motivasjonen for å trene oppgis ofte å være forbedret utseende. Kroppsidealet har i de siste årene beveget seg i en retning som kan være uoppnåelig for mange gutter og jenter. I tråd med dette oppgir mange unge å være misfornøyd med egen kropp. Enkel tilgang på ulovlige stoffer og mangelfull kunnskap om konsekvenser av dopingbruk bidrar til at unge velger å bruke ulovlige og helseskadelige dopingpreparater som en snarvei til drømmekroppen. (...) Det er grunn til å tro at doping også er en del av hverdagen til unge i Hordaland, enten direkte eller indirekte. Vi ser derfor et behov for å intensivere, og løfte fram det forebyggende antidopingarbeidet i samfunnet generelt, og blant unge spesielt, for å nå ut med kunnskap og informasjon rundt skadevirkningene ved bruk av doping.*

Antidopingsprosjektet *Lokal mobilisering mot doping* er forankra i Regional kulturplan (2015-25). Under innsatsområde idrett står det; *Utfordringar knytt til doping har fått ekstra fokus gjennom eit samarbeid med fylkeskommunen knytt mot dei vidaregåande skulane i fylket* (s. 97). I handlingsprogram 2015-18 er det eit tiltak som seier; *arbeide med verdigrunnlaget og Ren idrett i lag og vidaregåande skular* (s. 27).

I Meld. St. nr 30 (2011-2012) «Se meg! En helhetlig rusmiddelpolitikk» framlagt av Helse- og omsorgsdepartementet heiter det at informasjon og haldningsskapande arbeid er viktige førebyggjande tiltak i innsatsen mot doping. I Meld. St. 19 (2014-2015) «Folkehelsemeldingen - Mestring og muligheter» presenterer regjeringa strategiar for å styrke folkehelsearbeidet og legge til rette for sunne helseval. Regjeringa vil mobilisere mot doping m.a. ved at Helsedirektoratet styrkar samarbeidet med Antidoping Norge.

Antidoping Norge er ei uavhengig stifting som er oppretta av Norges idrettsforbund og Kulturdepartementet. Antidoping Norge arbeidar for ein ren idrett og eit dopingfritt samfunn. Prosjektet «lokal mobilisering mot doping» er knytt til den delen av deira verksemd som tek for seg forebyggjande og haldningsskapande arbeid.

Gjennom ein systematisk og felles mobilisering mot doping kan relevante aktørar i Hordaland og Antidoping Norge setje fokus på dagens kroppsideal med tilhøyrande dopingbruk og arbeide for heilskaplege og koordinerte løysingar på tvers av samfunnssektorar. Arbeidet vil vere basert på nasjonal og regional politikk for å mobilisere mot dopingbruk i ungdomsmiljøa.

Hordaland fylkeskommune er ein av fire fylkeskommunar i landet som har fått tilbod om å delta i prosjektet. Helsedirektoratet har løyvd midlar til Stiftinga Antidoping Norge til dette arbeidet. Det er krav om 50% eigenfinansiering frå fylket. Fylkestinget i desember 2015 avsette kr 200.000 til «40 prosent stilling til dopingforebyggjande tiltak» (post 400.410 *tilskot til idrettsprosjekt*). I tillegg bidreg kultur- og idrettsavdelinga og opplæringsavdelinga med arbeidsressursar i prosjektet. Avtalen varar frå 1. august 2016 til 31. juli 2018, og skal omfatte skuleåra 2016-2017 og 2017-2018.

Arbeidet er ei vidareføring av eit 2,5-åring samarbeid som vart avslutta i desember 2015. Erfaringar frå det samarbeidet er teke med i den nye avtalen og prosjektplanen. Prosjektet «lokal mobilisering mot doping» skal vere eit tilbod som hovudsakeleg rettar seg mot elevar og lærlingar i vidaregåande opplæring, og lærarar og andre tilsette i den vidaregåande skulen. Prosjektet vil også tilby kunnskap og kompetanse til m.a. helsepersonell, ungdomsarbeidarar, planleggjarar i kommunane og pårørande. Arbeidet vil bli sett i samanheng med det arbeidet som vert gjort i den organiserte idretten.

Prosjekt mål

Hovudmålet med prosjektet er å gje unge mennesker i Hordaland tilstrekkeleg kunnskap og informasjon til å avstå frå dopingbruk og bygge opp under ein tydeleg nulltoleranse til dopingbruk i sine lokalmiljø innan idretten og i samfunnet for øvrig. I tillegg er målet å auke kunnskapen knytt til dopingproblematikk hjå relevante yrkesgrupper. Prosjektmåla er skildra i prosjektplanen.

Ansvar og roller

Fylkeskommunen vil gjennom denne avtalen delfinansiere prosjektet «lokal mobilisering mot doping», der ein prosjektkoordinator tilsett i Antidoping Norge vil arbeide med informasjons- og forebyggjande arbeid i

Hordaland. Prosjektkoordinatoren vert tilsett i ein 40 prosents stilling med oppstart 1. august (stillinga er lyst ut med atterhald om endringar i avtale og prosjektplan). Prosjektet vert finansiert i høve til budsjett i vedlagte prosjektplan. Innan 1. mai kvart år skal Antidoping Norge legge fram regnskap for prosjektet. Innan 1. mai 2019 skal Antidoping Norge legge fram eit revisorgodkjent regnskap for prosjektet.

Hordaland fylkeskommune har ansvar for å tilrettelegge for kontorplass til prosjektkoordinatoren.

Det vert etablert ei administrativ styringsgruppe med representantar frå Hordaland fylkeskommune (kultur og idrettsavdelinga og opplæringsavdelinga), Hordaland Idrettskrets og Antidoping Norge. Prosjektkoordinatoren vil fungere som sekretær/administrasjon for styringsgruppa, som skal møtast 2-4 gonger i året. Etter uttale frå styringsgruppa kan partane bli samde om å justere prosjektplanen. Partane kan seie opp avtalen med 6 månadar varsel.

Evaluering og vidareføring

Prosjektet inneheld ei førundersøking ved start for å kartlegge holdningar og kunnskap knytta til dopingproblematikken blant målgrupper for prosjektet. I tillegg vil det vere følgeevaluering og sluttevaluering av prosjektet for å sikre kunnskap til å ev korrigere prosjektplan og byggje ny kunnskap om førebyggjande arbeid.

Antidoping Norge vil legge til rette for opplæring i antidopingarbeid og gjere tilgjengeleg verkemidlar som kan nyttas i det førebyggjande arbeidet i Hordaland også etter prosjektet er avslutta.